

ANSELM. (S.) — Sanctus Anselmus, Cantuariensis archiepiscopus, natione Italus, ex ordine S. Benedicti, migravit ad cœlos anno 1109. Scripsit *Meditationes*, — *Orationes*, etc., etc.

ANTONELL. — Nicolaus Maria Antonelli, natione Italus, S. R. Ecclesiæ cardinalis, vir eruditione clarus, obiit anno 1767. Multa scripsit de veteri Ecclesiæ disciplina, quorum præcipua: *Vetus Missale Romanum, præfationibus et notis illustratum*, — *De titulis quos S. Evaristus Romanis presbyteris distribuit*, etc., etc.

ANTONELL. — Joannes Carolus Antonellus (Antonelli), episcopus Ferentinus, juris utriusque doctor, theologus et canonista eximius, scripsit *Tractatum de juribus et oneribus clericorum*, — *De regimine Ecclesiæ, de tempore legati, de loco legati*, etc.

ANTONIN. (S.) — Sanctus Antoninus, natione Italus, patria Florentinus, ordinis Prædicatorum monachus, archiepiscopus Florentiæ, migravit ad Dominum anno 1459, ætatis suæ 70. Reliquit *Summam theologiæ moralis, partibus IV distinctam*, — *Summam historiam*, — *Summulam confessionis, vel Tractatum de instructione simplicium confessorum*, etc., etc.

ANTONIUS (S.) de Pad. — Sanctus Antonius de Padua, natione Lusitanus, patria Ulyssiponensis, ex sepultura loco de Padua nuncupatus, ordinis S. Augustini monachus, theologiæ professor, cœlos petiit anno salutis 1231, ætatis vero 35. Scripsit *Expositionem mysticam* in omnes ferme sacræ Scripturæ libros, — *Concordantias S. Scripturæ*, et multa alia.

ANTONIUS VENET. — Antonius a Venetiis, natione Italus, ordinis Minorum S. Francisci monachus, scripsit Italico idiomate librum sub hoc titulo: *Ecclesia Jesu Christi contra Picenninum*.

ANTONIUS GUEV. — Antonius Guevara, natione Hispanus, patria Alavensis, ordinis S. Francisci monachus, episcopus Mindoniensis, concionator, chronographus, et a consiliis imperatoris Caroli V, obiit anno 1544. Multa scripsit idiomate Hispanico, sed in omnes ferme Europæ gentis linguas translata, et quorum præcipua sunt: *Mons Calvariæ*, — *Oratorum religiosorum*, — *Horologium principum*, — *Epistolæ familiares*, — *Disputatio contra Judæos*, — *De contemnenda vita aulica*, — *Monita Gratiatorum*, — *De inventoriis artis nauticæ*, — *Chronica imperialia Caroli V*, etc., etc.

ANTONIUS — Antonius Paulus Gabriel, natione Gallus, e Societate Jesu, philosophiæ et theologiæ professor clarus, anno 1743 vita functus, scripsit *Theologiam universam dogmaticam*, — *Theologiam moralem universam, omnia morum et præceptorum principia complectentem*; plurima etiam dedit opuscula ascetica.

ANTONIUS GEN. — Antonius Genuensis, philosophica simul et theologica scientia clarus, scripsit *Institutiones theologicas*, — *Elementa artis logicæ-criticæ*, — *Elementa metaphysica*, etc. Obiit anno 1770.

ARAGON. — Petrus de Aragon, natione Hispanus, ordinis S. Augustini monachus, theologiæ doctor Salmanticensis et hujus Universitatis professor, claruit sæculo XVI. In lucem emisit *Commentarium in secundam secundæ D. Thomæ de fide, spe et charitate*, — *Item de justitiâ et jure*, etc.

ARCHIDIAC. — Guido Bosius, Bononiensis archidiaconus, et hoc nomine citatus, edidit commentarium in Decretum Gratiani *Rosarium* inscriptum. Est et alter Archidiaconus, Joannes de Anania dictus, qui edidit *Commentaria in Decretales*, et unum volumen *Conciliorum*.

ARCU. — Petrus Arcudius, natione Græcus, patria Coreyranus, obiit circa annum 1654. Scripsit: *De concordia Ecclesiæ occidentalis et orientalis in septem sacramentorum administratione*, — *Utrum*

detur purgatorium? — Opuscula de processione Spiritus sancti.

ARET. — Angelus Gambellinus ab Aretio sua patria sic dictus. Edidit *Commentarium in instituta, consilia*, etc.

ARETIN. — Franciscus Aretinus, ordinis S. Francisci monachus, scripsit *Commentaria in quatuor libros Sententiarum*, — *Practica*, — *Criminalia*, etc.

ARGENT. — Thomas de Argentina, natione Germanus, Hagenoæ in Alsatia natus, Argentinensis communiter dictus a cathedra Argentinensi quam gloriosissime moderatus est, ordinis S. Augustini monachus, theologiæ doctor Parisiensis, scientia et pietate clarus, obdormivit in Domino anno 1357. Ad posteros exaravit: *Libros quatuor in Magistrum sententiarum*, — *Sermones ad clerum*, — *Solutiones e sacra Scriptura*, — *Decreta et Constitutiones*, etc.

ARIAS. — Alvarus Arias de Armenta, natione Hispanus, Societatis Jesu theologus, anno 1643 e vivis ablati, scripsit Hispanice: *Contractum spiritualem hominis cum Deo*, — *Encomia SS. Eucharistiæ et B. V. Mariæ ex sacra Scriptura deprompta*, — *Meditationes ad S. Ignatii exercitia*, etc.

ARIAS FRANCISCUS, natione Hispanus, Societatis Jesu theologus, vir singulari ingenio, eximia religione et prudentia clarus, anno 1605 obiit, et scripsit: *De profectu spirituali, de vera dissidentia sui ipsius, de mortificatione sui*, — *De oratione mentali, de imitatione B. V. Mariæ et de Rosario ejusdem*, — *De præsentia Dei et de confessionis et Eucharistiæ sacramentis*, — *De gravitate peccati mortalitatis et damnis quæ affert animæ*, — *De imitatione Christi*, etc.

ARIAS alter, prænomine Franciscus, scripsit *Tractatum de bello et ejus justitia*.

ARING. — Paulus Aringhius (Aringhi), natione Italus, patria Romanus, congregationis Oratorii presbyter, anno 1676 fato functus, scripsit: *Romam subterraneam*, — *Monumenta infelicitatis, sive Mortes peccatorum pessimas*, — *Triumphum penitentiarum, seu Selectas præulentium mortes*.

ARISTOT. — Aristoteles Stagiritæ, Nicomachi filius, Platonis discipulus, Alexandri Magni præceptor, natus ante Christum anno 384, obiit anno ante Christum 322, ætatis vero suæ 62. Scripta concinnavit pene innumera: *Organon*, — *Rhetoricæ et poeticæ*, — *Ethica ad Nicomachum*, — *Ethica magna*, — *De animalium historia*, — *De mundo*, — *De anima*, etc., etc.

ARMILLA. — Bartholomæus Fumus, Villaurensis Piacentinus, ordinis Prædicatorum S. Dominici religiosus, hæreticæ pravitatis inquisitor, utriusque juris doctissimus et theologus insignis, circa annum 1567 obiit, et scripsit: *Armillam auream, sive Summam casuum conscientiæ*, quo nomine sæpius citatur, — *Philotheam immortalis animi dignitatem*, etc.

ARNALD. — Antonius Arnaldus (Arnald), natione Gallus, patria Parisiensis, Sorbonicus doctor et theologus eximius, obiit anno 1694. Multa scripsit vernacula lingua, quorum præcipua: *l'Art de penser*, — *De la fréquente communion*, — *Traité des vraies et des fausses idées*, — *Perpétuité de la foi*, etc., etc.

ARNOB. — Arnobius, Senior dictus, natione Afer, rhetor et philosophus Christianus, obiit circa annum 520, et scripsit libros octo adversus Gentes.

ARNOLD. — Gotofredus Arnoldus (Arnold), natione Germanus, theologus et pastor heterodoxus, Borussiae regis historiographus, fato functus anno 1714, scripsit: *Historiam Sclavorum*, — *Historiam Ecclesiæ et hæreseon*, — *Historiam theologiæ mysticæ*, etc.

ARRIAC. — Rodericus de Arriaga, natione Hispanus, patria Lucroniensis, Societatem Jesu anno 1606 ingressus, theologiam scholasticam Pragæ in collegio professus est, ejusdem urbis Universitatis cancellarius, studiorum præfectus generalis et do-

ctor, multos post labores mercede cœlesti donandus abiit, anno 1667. Scripsit *Cursum philosophicum et Cursum theologicum* tomis 8 in-fol. distinctum.

ARRIAC. — Paulus Josephus de Arriaga, natione Hispanus, gente Cantaber, patria Vergarensis, Societatis Jesu sacerdos, scientia, zelo et pietate clarus, post naufragium in aquis periit anno 1622. Scripsit: *Rhetoricæ Christiani partes septem*, — *Directorium spirituale*, — *Tractatum de extirpatione idololatriæ, et de mediis ad conversionem Indorum aptissimis*, etc.

ARRIB. — Franciscus de Arriba, natione Hispanus, ordinis S. Francisci monachus, theologus, provincialis minister, reginæ Christianissimæ Annæ Austriae confessor, episcopus primum Segoviensis, demum Civitatis designatus, claruit circa annum 1605. Scripsit opus egregium cui titulus: *De conciliatione prædestinationis et gratiæ cum humana libertate*.

ARRIG. — Joannes Baptista Arrighi, natione Italus, patria Florentinus, ordinis S. Francisci monachus, vir theologicis et lingua Græca versatissimus, theologiæ magister, et theolorum Facultatis decanus, animam cœlo reddidit anno 1605. In publicum commodum evulgari curavit: *Libros quatuor de elementis sacræ theologiæ*, — *Libros tres de beatitudine hominis*, — *Axiomata, sive Conclusiones prænotatas*, — *Enumerationem artium liberalium, et omnium scientiarum*, — *Elegantés orationes variorum argumentorum*, etc.

ARSD. — Richardus Arsdokin, vel potius Archdekin, natione Hibernus, patria Kilkenniensis, in Societatem Jesu anno 1642 admissus, vicissim docuit humaniores litteras, philosophiam, theologiam moralem et sacræ Scripturæ oracula partim Lovanii, partim Antverpiæ, ubi studiorum altiorum præfecti munus egit. Obiit circa annum 1685, et edidit idiomate Anglicano et Hibernico: *Tractatum de miraculis*, — *Theologiam polemicam, practicam, sacram*, — *Theologiam apostolicam*, — *Epitomen vitæ et miraculorum S. Patritii Hiberniæ apostoli*, etc.

ARTUR. — Arturus a Monasterio (Du Monstier), natione Gallus, patria Rothomagensis, ordinis S. Francisci monachus, vir ingenio et eruditione clarus, obdormivit in Domino anno 1662. Multa et eximia tum Latine tum Gallicè edidit opera, quorum tituli: *Vitæ multorum sanctorum et beatorum*, — *Pietas seu Devotio Gallica erga sanctam Dei genitricem Mariam*, — *Martyrologium Franciscanum*, — *Neustria pia*, — *Sacrum Gynecium, seu Martyrologium amplissimum*, — *Sanctitas monarchiæ Gallicæ, regum Christianissimorum eorumque filiorum*, — *Artifices hæreticorum*, — *De rebus Neustriaci volumina quinque*, etc.

ASCULAN. — Franciscus Asculanus, ordinis S. Francisci monachus, *Doctoris succincti* nomen sortitus, scripsit: *In quatuor libros Sententiarum*, — *Reportata in eosdem*, — *Opus contradictionum*, — *Improbationes quasdam*, etc. Claruit circa annum 1544.

ASSEMAN. — Josephus Simon Assemanus (Assemani), Maronita, archiepiscopus Tyrensis, et canonicus Vaticanus, Romæ vita functus anno 1768, scripsit *Bibliothecam orientalem Clementino-Vaticanam, recensentem manuscriptos codices Syriacos, Arabicos, Persicos, Turcicos*, etc.

ASSEMAN. — Josephus Moyses Assemanus (Assemani), e familia præcedentis, linguæ Syriacæ professor, obiit anno 1782, et plura reliquit opera, quorum tituli: *Codex liturgicus Ecclesiæ*, — *Dissertatio de sacris ritibus*, — *Commentaria de ecclesiis, eorum reverentia et asylo*, — *Commentaria de catholicis seu patriarchis Chaldeorum et Nestorianorum*.

ASTESAN. — Astesanus ab Asta in Subalpinis, ordinis S. Francisci minorita, theologus et canonicus

eximius, vir scientia clarus, ingenio profundus, struxit magnum volumen in libros VIII distinctum de casibus conscientiarum sub titulo: *Summa Astesana*; scripsit insuper *Canones penitentiales*. Obiit anno 1558. — Astesanus alter, natione Italus, theologiæ doctor, qui parum post præcedentem floruit in ordine ejusdem S. Francisci, scripsit *Commentaria in Apocalypsim*, et in *libros Sententiarum*.

ASTI. — Joannes Baptista d'Asti, natione Italus, patria Genuensis de Albenga, ordinis S. Augustini monachus, Phoenix theolorum in Italia vocatus, obiit anno 1620, Sacrorum apostolici præfectus et episcopus Tagastensis a summo Pontifice designatus. Posteritati scriptis consignavit: *Commentaria in IV libros sententiarum*, — *Commentaria in philosophiam Aristotelis*.

ATHANAS. (S.) — S. Athanasius, episcopus Alexandrinus, laboribus, sanctitate et scriptis preceleberrimus, Ecclesiæ Græcæ doctor eximius, migravit ad cœlos anno salutis 375, multa relinquens opera quæ videnda in *Cursu completo Patrologiæ Græcæ*, edit. J. P. Migne, tom. XXV, XXVI, XXVII et XXVIII.

ATTO. — Atto episcopus Vercellensis, circa annum 960 vita functus, scripsit *Commentaria, Decreta, Epistolas et Sermones*.

AUGUST. (S.) — Sanctus Augustinus Aurelius, Hipponensis episcopus, Ecclesiæ Latine doctor eximius, anno salutis 450, ætatis vero 76, obdormivit in Domino. Omnia ejus opera videnda in *Cursu completo Patrologiæ Latine*, edit. J. P. Migne, a tom. XXXII ad tom. XLVI.

AUGUST. ANT. — Augustinus Antonius, natione Hispanus, archiepiscopus Tarraconensis, jurisconsultus et canonista eximius, obiit anno 1586. Multa et utilissima posteritati legavit opera: *De emendatione Gratiani*, — *Antiquas collectiones decretalium*, — *Constitutiones Tarraconensis Ecclesiæ*, — *Canones penitentiales*, — *Epitomen juris canonici*, — *De propriis nominibus Pandectarum Florentinarum*, etc.

AUGUST. DE ANCON. — Augustinus de Ancona, sive Augustinus Triumphus, natione Italus, patria Anconitanus, ordinis Eremitarum S. Augustini, vir scientia et pietate clarus, ad cœlum translatus anno 1528, pene innumera suo angelico ingenio edidit opera, 56 voluminibus distincta, quorum præcipua sunt: *Summa de potestate ecclesiastica*, — *Novella super V et VI Decretalium*, — *Tractatus de potentia animæ*, — *De resurrectione mortuorum*, — *De potestate prælatorum*, — *De thesauro Ecclesiæ*, — *De prædestinatione, prescientia et libero arbitrio*, — *Commentaria in IV libros Sententiarum*, — *Expositiones et Commentaria in totam ferme Scripturam*, etc.

AULIS. — Petrus Aulsius (d'Aulsi), natione Italus, patria Neapolitanus, a Sancto Januario canonicus, multa scripsit de jurisprudentia, de architectura, rhetorica, etc. Reliquit *Commentaria ad Pandectas*, — *Animadversiones ad jurisprudentiam Capuanam*, etc. Obiit anno 1717.

AULUS GEL. — Aulus Gellius, grammaticus Romanus, floruit circa annum salutis 150, et scripsit *Noctes Atticæ*.

AUREOL. — Petrus Aureolus (Oriol), natione Gallus, Vermetiæ, oppido ad Isaram fluvium natus, ordinis S. Francisci monachus, Aqvensis archiepiscopus et cardinalis, *Doctor sacundus et elegans* dictus, laurea doctorali in Parisiensi Facultate insignitus, multa et eximia posteritati dedit opera, quorum præcipua: *Compendium theologiæ in libros 8 partitum*, — *Commentarios in quatuor libros Sententiarum*, — *Breviarium Bibliorum*, — *Tractatum de decem præceptis*, — *Tractatum de paupertate*, — *Librum qui inscribitur Rosæ distinctiones*, etc. Obiit circa annum 1546.

AUSON. — Ausonius Decius Magnus, natione Gal-

lus, patria Burdigalensis, poeta eximius, circa annum 393 fato functus, varia dedit poemata.

AVEND. — Didacus de Avendano, natione Hispanus, patria Segoviensis, Societatis Jesu theologus, laurea de Artibus donatus, vir præcellentis doctrinæ, prudentiæ et virtutis, animam Deo reddidit circa annum 1660, edidit: *Epithalamium Christi et sacræ sponsæ*, — *Problemata theologica*, — *Theaurum Indicum pro regimine conscientiæ in iis, quæ ad Indias spectant*, etc.

AVEND. — Michael de Avendano Estenaga, natione Hispanus, patria Pampilonensis, Societati Jesu nomen dedit anno 1635, philosophiam quadriennio, theologiam scholasticam annis 12 docuit, varia rexit collegia et obiit circa annum 1695. Edidit idioma Hispanicum *De perfectione status religiosi*, et Latine, *De divina scientia, et de predestinatione*, — *De fide, justificatione et merito*, etc.

AVERAN. — Josephus Averanus (Averani), natione Italus, patria Florentinus, jurisconsultus scientia et eruditione clarus, obiit anno 1738, et varia dedit opera: *Interpretationum juris libros duo*, — *Orationem de jurisprudentia, medicina et theologia*, — *De calculorum seu latruncolorum ludo dissertationem*, etc.

AVERRHOES. — Averrhoes vel Ibn-Rochd, natione Arabis, patria Cordubensis, Commentator dictus, medicus et philosophus, obiit anno 1198. Scripsit *Commentaria in Aristotelem*, — *De natura orbis*, — *De re medica*, — *De theriaca*, — *De generatione animalium*, etc.

AYERS. — Raphael Aversa, natione Italus, ordinis S. Francisci monachus Minorita, a S. Severino clericus regularis, edidit volumen in-4^o. *De Eucharistia, penitentia et extrema unctione*, Bononiæ, anno 1642. Illius patria simul et tempus quo vixerit latent.

AVICEX. — Avicenna vel Abu-Ali-Ibn-Sina, Hispanensis Arabs, medicus celeberrimus et philosophus, fato functus anno 1050, plurima scripsit de re medica, alchimia, logica, metaphysica, etc.

AVIL. — Stephanus de Avila, natione Hispanus, patria Abulensis, Societatis Jesu theologus eminentissimus, Doctoris angelici acerrimus defensor, immatura morte ablatas anno 1601, ætatis vero suæ 50. Ex omnibus suis lucubrationibus, quæ certæ multæ sunt, absolutum magis reliquit: *Tractatum de censuris ecclesiasticis*, — *Compendium summe seu Manuale Doctoris Navarri in ordinem alphabeticum redactum*.

AYRER. — Georgius Henricus Ayzerus (Ayzer), natione Germanus, jurisconsultus eximius et professor, multas scripsit de jure dissertationes duobus voluminibus collectas, cum hoc titulo: *Opuscula varii argumenti*. Volumen alter inscribitur *Sylloge nova opusculorum minorum varii argumenti*. Obiit anno 1774.

AYRES. — Franciscus Ayres, natione Lusitanus, patria Amyeira, Societati Jesu ascriptus, theologiæ moralis professor, rector collegii Pharensis in regno Algarbiorum, oculorum visu orbatus, vitam finit anno 1664. Multa ascetica scripsit, scilicet: *Directorium spirituale in viam cæli*, — *Theatrum divinarum triumphorum*, — *Exemplaria metaphorica originis virtutum*, — *Parallela academica in duas universalitates, divinam et profanam*, etc. Omnia hæc idioma Lusitanico exarata.

AZEVED. — Joannes de Azevedo, natione Lusitanus, patria Irenopolitanus, ordinis S. Augustini monachus, theologiæ moralis, in qua maxime claruit, professor, rector collegii Bracarensis, prior et examinatus conventus Ulyssiponensis, labore et annis consumptus, migravit ad cælum anno 1746, ætatis suæ 81, religionis 60. Plurima inter opera, præclarissimi sui ingenii dedit monumentum, cui titulus: *Tribunal theologicum et juridicum contra subdolos confessarios in sacramento penitentiae ad*

Venerem sollicitantes, etc. Ulyssip. 1726, in 4^o.

AZOR. — Joannes Azorius (Azor), natione Hispanus, patria Murcianus, e Societate Jesu, theologiæ professor, vir ingenio, memoria et linguarum peritia clarus, vitam cum morte mutavit Romæ, anno 1607. Scripsit *Institutionum moralium tomos tres*, valde eruditos, — *Commentaria in Cantica caritarum*, etc.

AZPILCUET. — Martinus Azpilcueta, natione Hispanus, Navarræ, vel Navarriensis, e patria dictus, a S. Augustino canonicus regularis, jurisconsultus et canonista clarus, Romæ obiit anno 1580. Plurima scripsit, præsertim *Commentarios in jus canonicum*, — *Enchiridion*, seu *Manuale*, etc. Omnia ejus opera in vi voluminibus in-fol. collecta sunt, Lugduni, 1597.

B

BABENBUR. — Ludolfus de Babenburch, natione Germanus, juris pontificii professor, Bambergensis episcopus, vir scientia clarus, obiit anno 1363, et scripsit tractatus duos, I. *De zelo veterum regum Galliæ, et Germaniæ principibus*, II. *De juribus regni et imperii*.

BABENST. — Ludovicus Babenstuber, Etalensis in Bavaria, monachus S. Benedicti, in academia Salsburgensi theologiæ professor, vir summa doctrinæ, edidit *Cursum theologiæ*, — *Cursum philosophiæ*, etc., etc.

BACCHIN. — Benedictus Bacchini (Bacchini), natione Italus, patria Parmensis, ordinis S. Benedicti monachus, scientia clarus, e vivis abiit anno 1721. Varia scripsit tum Italico tum Latino idiomate, inter quæ: *De ecclesiasticæ hierarchiæ origine dissertationem*, — *Dialogos tres, de constantia, de dignitate tuenda, de amore erga rempublicam*, — *Dissertationem de sistris eorumque figuris ac differentia*, etc., etc.

BACCI. — Andreas Baccius, natione Italus, patria Elpidianus, medica simul et philosophica arte præclarus, Romæ docuit et Sixti Papæ V medicus fuit. Italicæ plura et plura Latine scripsit: I. *De thermis libros septem*, II. *De naturali vivorum historia*, III. *De venenis et antidotis*, IV. *De gemmis et lapidibus pretiosis, eorumque viribus et usu tractatum*, V. *De conviviis antiquorum*, etc. Obiit circa finem sæculi xvi.

BACHOV. — Reinhardus Bachovius (Bachov), natione Germanus, patria Lipsiensis, jurisprudentiæ professor, circa medium sæculi xvii vita functus, multa de jure scripsit: *Tractatum de pignoribus*, — *Commentaria in Digesta*, et *In Justiniani institutiones*, etc.

BACO. — Joannes de Baco, vel Baconthorp, natione Anglus, ordinis Carmelitarum monachus, doctor Sorbonicus, et de more temporis quo vixerit *Doctor resolutus* nuncupatus, obiit circa annum 1546. Dedit *Commentaria in quatuor libros Sententiarum*, — *Tractatum de Regula Carmelitarum*, etc.

BACON. — Rogerus Baconus (Bacon), natione Anglus, ordinis S. Francisci monachus, theologiæ doctor Oxoniensis, accurate calluit poesim, rhetoricam, omnes artes liberales, philosophiam, theologiam, jurisprudentiam, et propterea dictus *Doctor mirabilis*, quem Joannes Picus Mirandulæ comes *Virum ingeniosissimum* prædicavit; obiit anno salutis 1294, ætatis vero suæ 80. Opera concinnavit pene innumera, ex quibus: *Commentaria in iv libros Sententiarum*, — *De mirabili potestate artis et naturæ*, — *De sacræ Scripturæ profundis mysteriis*, — *De arte chimiæ*, etc., etc. Quoad alia vide Bibliothecam Franciscanam, tom. III, pag. 68.

BADUAR. — Bonaventura Baduarius, natione Italus, patria Patavinus, ordinis S. Augustini monachus, Universitate Parisiensi laurea doctorali ornatus,

Inter novem doctores Bononienses adscitus, ad ordinis sui gubernium exaltatus, S. R. Ecclesiæ cardinalis, nuntius apostolicus in Hungaria regno, morte violenta interemptus obiit anno 1538. Eruditionis et doctrinæ ejus vestigia in sequentibus habemus, prostant enim ab eo: *Commentaria in iv libros Sententiarum*, — *Vita Christi*, vel *Meditationes devotæ in vitam Christi*, — *De conceptione B. V. Mariæ*, — *Commentaria in Epistolam canonicam S. Jacobi*, etc., etc.

BAEZ. — Didacus Baeza, natione Hispanus, Societatis Jesu theologus et concionator, scientia, zelo et pietate insignis, meritis dives e vita decessit anno 1647. Latine scripsit *Commentarios morales in evangelicam historiam tomis 11 in fol. constantes*, — et Hispanicæ *Mariæ seu Conciones de B. V. Mariæ ternas, in singulis ejus festis*, et multa alia.

BAGOT. — Joannes Bagotius (Bagot), natione Gallus, patria Rhodonensis, e Societate Jesu, vir omni litteratura eximie exultus, humaniores litteras triennio, philosophiam quinquentennio, theologiam vero totis tredecim annis docuit: censor librorum a Societate edendorum, præpositus generalis, Romæ theologus, obiit Parisiis dum professam domum ibi gubernaret, anno 1664. Scripsit *Apologeticum fidei*, — *Libertatis et gratiæ defensionem*, — *Dissertationes theologicas de penitentia*, — *Juris episcopalis defensionem*, etc., etc.

BAIF. — Lazarus Baiffius (Lazare de Baif), natione Gallus, patria Flexiensis, Granateriensis abbas, regi Francisco I a consiliis fato functus anno 1547, scripsit: *De re vestiaria*, — *De re navali*, etc.

BAIL. — Ludovicus Bail, natione Gallus, patria Abbavillanus, Sorbonicus doctor, Parisiensis penitentiarii vices gerens simul et decanus Montis-Martyrum, mortem subit anno 1669, varia relinquens opera his sub titulis: *Sapientia foris prædicans*, — *Summa conciliorum*, — *De beneficio crucis*, — *Theologia affectiva*, etc.

BAILLET. — Adrianus Baillet a Villa Nova (Baillet de la Neuville), sic dictus a pago in quo lucem duxit, natione Gallus, sacerdos studio et scientia clarus, historiographus celebris et criticus, obiit anno 1766. Plurima Gallice scripsit sub his titulis: *Les vies des saints*, — *Jugements des savants sur les principaux ouvrages des auteurs*, — *De la dévotion à la sainte Vierge*, etc.

BALDEL. — Nicolaus Baldellus, natione Italus, patria Cortonensis, e Societate Jesu, vir egregie doctus, philosophiæ vicissim et theologiæ professor, plenus dierum ad cælos migravit anno 1655 et ætatis suæ 83. Edidit *Disputationes ex morali theologia*.

BALDUINUS. — Franciscus Balduinus (Baudoin), natione Gallus, patria Atrabatensis, jurisconsultus peritus et professor, ad concilium Tridentinum regis Navarræ orator, Parisiis vita functus anno 1575, plurima de jure scripsit: *De legibus Constantini*, — *In legem duodecim Tabularum*, etc.

BALDUS. — Petrus Baldus de Ubaldis, natione Italus, patria Perusinus, jurisconsultus eximius, Bartholi discipulus, circa annum 1400 obiit, et multa scripsit in jus civile et canonicum. Omnia ejus opera in 3 volum. in-fol. collecta sunt.

BALING. — Antonius de Balinghem, natione Belga, domo Audomaropolitanus natus, Societatem Jesu anno 1588 ingressus, philosophiæ professor, et deinceps concionator eximius, partim suo marte, partim ex alia in aliam linguam traducendo edidit permulta, quæ magnum habent usum ad pietatem, inter quæ: *Congressus pomeridianos et congressus symposiacos, contra cibi et potus intemperantiam*, — *Sacram Scripturam in locos communes morum digestam*, etc., etc. Obiit anno 1650.

BALLERIN. — Petrus et Hieronymus Ballerini, fratres, natione Itali, patria Veronenses, ambo

presbyteri et scientia clari, plurima ediderunt Patrum opera, quæ notis illustrare, et suo marte plura scripserunt: *De jure divino et naturali circa usuram*, — *De methodo studendi*, etc. Obiit, prior anno 1764, posterior vero circa annum 1767.

BALSAM. — Theodorus Balsamon, natione Græcus, patria Constantinopolitanus, Antiochenus patriarcha, jurisperitus et canonista clarus, scripsit: *Commentaria in Nomocanon Photii*, — *In canones apostolicos*, etc., etc. Obiit circa annum 1214.

BALTER. — Joannes Christophorus Balterus, natione Belga, patria Gessoriacensis, jurisconsultus eximius, inter opera quæ reliquit, scripsit librum cui titulus: *De libertate religionis*.

BALUZ. — Stephanus Baluzius (Baluze), natione Gallus, patria Tutelensis, historiographus eximius et juris canonici professor, vir scientia et eruditione præclarus, Colberti bibliothecarius, multa scripsit et edidit opera: I. *Regum Francorum capitularia*, — II. *Conciliorum nova collectio*, — III. *Miscellanea*, — IV. *Vie des Papes d'Avignon*, — V. *Historia Tutelensis*, etc., etc. Parisiis obiit anno 1718, ætatis suæ 88.

BANCEL. — Ludovicus Bancelius, ordinis Prædicatorum monachus, theologiæ professor eximius, scripsit *Cursum theologiæ moralis et scholasticæ*.

BANES. — Dominicus Banes, natione Hispanus, patria Vallisoleensis, ordinis Prædicatorum monachus, scientia et pietate clarus, a confessionibus sanctæ Theresæ, per triginta annos theologiam docuit, et plenus dierum, obdormivit in Domino anno 1604. Scripsit: *De generatione et corruptione, sive in Aristotelis eos libros commentaria et quæstiones*, — *In Aristotelis dialecticam*, — *Commentaria scholastica in primam partem Summæ D. Thomæ, necnon in secundam secundæ*, — *Prælectionem de merito et augmento charitatis*, etc.

BANN. — Bannardus Joannes, natione Anglus, ordinis S. Augustini monachus, vir omni litteratura doctissimus, theologus sui temporis nobilissimus, cancellarius Academiæ Oxoniensis, sæculo xv claruit, et edidit: *Eruditas quæstiones in Magistrum Sententiarum*.

BARAT. — Joannes Philippus Baraterius (Barattier), natione Germanus, patria Bavariensis, puer præcoci ingenio clarissimus, omnem fere scientiam callebat, plurimis loquebatur linguis; obiit anno 1740, ætatis vero suæ 19. Varias scripsit *Dissertationes*, *Epistolas*, et multa alia, præsertim librum cui titulus: *Disquisitio chronologica de successione antiquissima episcoporum Romanorum, a Petro usque ad Victorem*, etc.

BABB. — Bernardinus Barba, natione Hispanus, patria Aragonensis, ordinis S. Francisci monachus et novitiorum moderator, rebus asceticis et regularibus deditus, prelo dedit sermone Hispanico: *Documenta principalia disciplinæ monasticæ et religiosæ*, — *Seraphicam regulam*, etc. Floruit sæculo xvii.

BARBEYR. — Joannes Barbeyrac, natione Gallus, patria Biterrensis, jurisconsultus et professor clarus, fato functus anno 1747, scripsit: *Commentaria in Tractatum de jure naturæ et gentium Puffendorffii*, — *In Tractatum de jure belli et pacis Gronii*, — *Tractatum de ludo*, — *Tractatum de ethica Patrum*, etc.

BARRO. — Paulus Barbo, natione Italus, patria Cremonensis, ordinis S. Dominici monachus, et prior, theologus et philosophus clarus, obiit anno 1494. Scripsit *Elegantissimam expositionem in artem veterem Aristotelis*, — *Quæstiones metaphysicas super divina sapientia Aristotelis*, etc., etc.

BARBOSA. — Augustinus Barbosa, natione Lusitanus, Uxentinus episcopus, jurisperitus et canonista clarus, multa scripsit *In jus civile et canonicum*, — *De jure ecclesiastico*, — *De officio episcopi*, et alia.